

0.0.1 ariyapariyesanasuttam

44. pañcime bhikkhave kāmaguṇā katame pañca? cak-khu viññeyyā rūpā itṭhā kantā manāpā piyarūpā kāmū-pasaṃhitā rajanīyā, sotaviññeyyā saddā itṭhā kantā manāpā piyarūpā kāmūpasaṃhitā rajanīyā, ghānavi-ññeyyā gandhā itṭhā kantā manāpā piyarūpā kāmū-pasaṃhitā rajanīyā, jivhā viññeyyā rasā itṭhā kantā manāpā piyarūpā kāmūpasaṃhitā rajanīyā, kāyaviñ-ñeyyā phoṭṭhabbā itṭhā kantā manāpā piyarūpā kāmū-pasaṃhitā rajanīyā. ime kho bhikkhave pañca kāma-guṇā.

45. ye hi keci¹ bhikkhave samaṇā vā brāhmaṇā vā ime pañca kāmaguṇe gathitā mucchitā ajjhāpannā² anādīnavadassāvino anissaraṇapaññā paribhuñjanti, te evamassu veditabbā: anayamāpannā byasanamāpannā yathākāmakaraṇīyā pāpimato.

46. seyyathāpi bhikkhave āraññako migo³ baddho pā-sarāsīm adhisayeyya, so evamassa veditabbo: anaya-māpanno byasanamāpanno yathākāmakaraṇīyo luddassa, āgacchante ca pana ludde⁴ na yena kāmam pakkamis-satīti. evameva kho bhikkhave ye hi keci samaṇā vā brāhmaṇā vā ime pañca kāmaguṇe gathitā mucchitā ajjhāpannā anādīnavadassāvino anissaraṇapaññā pa-

¹ye keci (syā)

²ajjhāpannā (machasaṃ, pts)

³mago (machasaṃ, pts)

⁴āgacchantevaludde (syā, pts)

ribhuñjanti. te evamassu veditabbā: anayamāpaññā byasanamāpaññā yathākāmakaraṇīyā pāpimato.

47. ye ca⁵ kho keci bhikkhave samaṇā vā brāhmaṇā vā ime pañca kāmagaṇe agathitā amucchitā anajjhāpaññā ādīnavadassāvino nissaraṇapaññā paribhuñjanti, te evamassu veditabbā: na anayamāpaññā na byasanamāpaññā na yathākāmakaraṇīyā pāpimato.

48. seyyathāpi bhikkhave ārañṇako migo abaddho pāsārāsīm adhisayeyya, so evamassa veditabbo: na anayamāpañño na byasanamāpañño na yathākāmakaraṇīyo luddassa, āgacchante ca pana ludde yena kāmam pakkamissatīti. evameva kho bhikkhave ye keci samaṇā vā brāhmaṇā vā ime pañca kāmagaṇe agathitā amucchitā anajjhāpaññā ādīnavadassāvino nissaraṇapaññā paribhuñjanti, te evamassu veditabbā: na anayamāpaññā na byasanamāpaññā na yathākāmakaraṇīyā pāpimato.

49. seyyathāpi bhikkhave ārañṇako migo araṇṇe pavane vissattho gacchati vissattho tiṭṭhati vissattho nisīdati vissattho seyyam kappeti, taṃ kissa hetu? anāpāthagato bhikkhave luddassa. evameva kho bhikkhave bhikkhu vivicceva kāmehi vivicca akusalehi dhammehi savitakkaṃ savicāraṃ vivekajaṃ pītisukhaṃ paṭhamam jhānaṃ upasampajja viharati. ayaṃ vuccati bhikkhave

⁵yehi ca (machasaṃ)

bhikkhu 'andhamakāsi mārāṃ, apadaṃ vadhitvā mārācakkhuṃ adassanaṃ gato pāpimato.'

50. puna ca paraṃ bhikkhave bhikkhu vitakkavicārānaṃ vūpasamā ajjhataṃ sampasādanaṃ cetaso ekodibhāvaṃ avitakkaṃ avicāraṃ samādhijaṃ pītisukhaṃ dutiyaṃ jhānaṃ upasampajja viharati. ayaṃ vuccati bhikkhave bhikkhu 'andhamakāsi mārāṃ, apadaṃ vadhitvā mārācakkhuṃ adassanaṃ gato pāpimato.'

51. puna ca paraṃ bhikkhave bhikkhu pītiyā ca virāgā upekkhako ca viharati sato ca sampajāno sukhañca kāyena paṭisaṃvedeti yantaṃ ariyā ācikkhanti upekkhako satimā sukhavihārīti tatiyaṃ jhānaṃ upasampajja viharati. ayaṃ vuccati bhikkhave bhikkhu 'andhamakāsi mārāṃ, apadaṃ vadhitvā mārācakkhuṃ adassanaṃ gato pāpimato.'

52. puna ca paraṃ bhikkhave bhikkhu sukhasa ca pahānā dukkhassa ca pahānā pubbeva somanassadomanassānaṃ atthagamā adukkhaṃ asukhaṃ upekkhāsatipārisuddhiṃ catutthaṃ jhānaṃ upasampajja viharati. ayaṃ vuccati bhikkhave bhikkhu 'andhamakāsi mārāṃ, apadaṃ vadhitvā mārācakkhuṃ adassanaṃ gato pāpimato.'

53. puna ca paraṃ bhikkhave bhikkhu sabbaso rūpasāññānaṃ samatikkamā paṭighasaññānaṃ atthagamā

nānattasaññānaṃ amanasikārā ananto ākāso ti ākāsa-
nañcāyatanam upasampajja viharati. ayaṃ vuccati
bhikkhave bhikkhu 'andhamakāsi māraṃ, apadaṃ va-
dhitvā māracakkhuṃ adassanaṃ gato pāpimato.'

54. puna ca paraṃ bhikkhave bhikkhu sabbaso ākā-
sānañcāyatanam samatikkamma anantaṃ viññānanti
viññānañcāyatanam upasampajja viharati ayaṃ vuc-
cati bhikkhave bhikkhu 'andhamakāsi māraṃ, apadaṃ
vadhivā māracakkhuṃ adassanaṃ gato pāpimato'.

55. puna ca paraṃ bhikkhave bhikkhu sabbaso viñ-
ñānañcāyatanam samatikkamma natthi kiñcīti ākiñcañ-
ñāyatanam upasampajja viharati. ayaṃ vuccati bhik-
khave bhikkhu 'andhamakāsi māraṃ, apadaṃ vadh-
itvā māracakkhuṃ adassanaṃ gato pāpimato'.

56. puna ca paraṃ bhikkhave bhikkhu sabbaso ākiñ-
caññāyatanam samatikkamma nevasaññānāsaññāya-
tanaṃ upasampajja viharati ayaṃ vuccati bhikkhave
bhikkhu 'andhamakāsi māraṃ, apadaṃ vadhivā mā-
racakkhuṃ adassanaṃ gato pāpimato.'

57. puna ca paraṃ bhikkhave bhikkhu sabbaso ne-
vasaññā nāsaññāyatanam samatikkamma saññāveda-
yitanirodham upasampajja viharati. paññāya cassa di-
svā āsavā parikkhīṇā honti. ayaṃ vuccati bhikkhave

bhikkhu andhamakāsi māraṃ, apadaṃ vadhivā mā-racakkhuṃ adassanaṃ gato pāpimato, tiṇṇo loke vi-sattikaṃ. so vissattho gacchati, vissattho tiṭṭhati, vis-sattho nisīdati, vissattho seyyaṃ kappeti. taṃ kissa hetu? anāpāthagato bhikkhave pāpimatoti.

58. idamavoca bhagavā. attamanā te bhikkhū bhagavato bhāsitā abhinanduntī.